

Политехнизацин хаалгъар

КПСС-н XXI хургин, школмудин өмн тэвсн төрмүдэс нэг ик ончта орм эзлджэх төрнэ — политехническ болн күүч-көлснэ даслт сургъульчнрт өгн. Терүнэ күүлнэ болхла — сургъульчнриг өдгэ цагин промышленн болн селәнэ эдл-ахун техниклэ талд элдүлх, тедниг хар көдлмшэс тэдгэж, терүг медг улс кедж гаргэх, алдр коммунистическ тосхлтин чидвртэ тосхачнр кехиг жүцлгэн мөн.

Эн джил мана 1-ч номертэ дундин школ, сургългэна шин сэн мастерскойта болв. Сургъульчнр ик дурта седклэр эн мастерскойдан көдлцхэнэ. Класс хойр аньгүрдж көдлмш кенэ. Модна даслар сургъульчнр дамшлгта болад, чидлэн күүрх тоотсиг бийснэ кедг болад ирв. Үлгүрнэ: алхин, жүрзин, сүкин ишмүд, хувцна ээмч, рейсмус, нань чигн амр көдлмш кедг дасджана. Школиннэ эвдрсн, хамхрсн столмудиг, стулмудиг бас ясцхана. 6—7-ч классмудин сургъульчнр ик шунмгэа кевэр модна ур дасджана. Үлгүрнэ, Шарапов, Сангаджиев, Цеденов, Харцхаев, Пивень болн нань чигн сургъульчнр сәәнәр дасджана.

Болв бас чигн сәәнәр эн көдлмшиг бүрдэдж болхмн, зүг кесг дутудунд бәәсәр күүц кевэр кегддж бәәхш. Мастерскойд тасрхан уга көдлмш келгэнд ик кергтәнэ — модн. Тер манд уга. Электричеств орулгадад уга болсар кесг станокс хара зогсджана. Мастерскойд киитн, юнъгад тигхлэ уураг дулаллгэн ода чигн кегдэд уга.

Эн тоот мана мастерскойин дутудундиг күүцэдж кедж өгх зөвтэ мана школин шеф — Ремстройконтор ик муугъар болн уданар кеджәнэ.

Мана шефмүд — Ремстройконтор болн Ремзавод манд сәәнәр нөкд болхла, бидн сургъульчнрт сэн политехническ медрл өглгэи күүцэхвдн.

М. МАСЛОВ.

Элстин 1-ч дундин школин күүч-көлснэ багш.